

Na osnovu člana 7. i člana 32. stav (2) Zakona o novčanim podrškama u primarnoj poljoprivrednoj proizvodnji i prehrambeno prerađivačkoj proizvodnji („Službene novine HNK“, broj: 2/13) i Odluke o usvajanju Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji s kriterijima raspodjele sredstava „Poticaj za poljoprivredu“ utvrđenih Budžetom HNK za 2020. godinu Ministarstvu poljoprivrede, šumarstva i vodoprivrede, broj: 01-1-02-808-1/20, broj 01-1-02-1556-1/20 koju je donijela Vlada HNK dana 12.08.2020. godine ministar poljoprivrede, šumarstva i vodoprivrede donosi

UPUTSTVO O IZMJENAMA I DOPUNAMA UPUTSTVA O NAČINU I USLOVIMA ZA OSTVARENJE PODRŠKI U PRIMARNOJ POLJOPRIVREDNOJ PROIZVODNJI I PREHRAMBENO – PRERAĐIVAČKOJ PROIZVODNJI ZA 2020. GODINU

Član 1.

U Uputstvu o načinu i uslovima za ostvarenje podrški u primarnoj poljoprivrednoj proizvodnji i prehrambeno prerađivačkoj proizvodnji za 2020. godinu („Službene novine HNK“, broj: 3/20) u članu 5. stav (2) iznos „3500,00 KM“ zamjenjuje se iznosom „4.000,00 KM“.

Član 2.

U članu 6. stav (7) iza riječi „podrški“ dodaju se riječi „ili se sačinjava obračunska tabela ovisno o vrsti interventne mjere.“

Član 3.

U članu 33. u naslovu Subvencija nabavke nove opreme u govedarstvu, kozarstvu - muzilice i miješalice za hranu riječi „govedarstvu, kozarstvu“ se brišu i zamjenjuju sa riječi „stočarstvu.“

U članu 33. na svim mjestima riječi „govedarstvu, kozarstvu“ se brišu i zamjenjuju sa riječi „stočarstvu.“

Član 4.

U članu 34. (Interventna sredstva) u stavu (1) iza riječi „ podrški“ dodaju se riječi „ili se sačinjava obračunska tabela ovisno o vrsti interventne mjere“.

U članu 34. (Interventna sredstva) dodaje se novi stav (2) koji glasi:

„(2) Od ukupno odobrenih sredstava za realizaciju ovog Uputstva koja su osigurana u Izmjenama i dopunama Budžeta HNK za 2020. godinu na poziciji „Poticaji u poljoprivredi“, iznos od 500.000,00 KM iz namjenskih sredstava od poljoprivrednog zemljišta zbog pojave koronavirusa stavljena su na raspolaganje za poticaje u poljoprivredi i realizirat će se ovim Uputstvom kao interventna sredstva.“

Iza člana 34. (Interventna sredstva) dodaju se novi članovi 34 a, 34 b, 34 c, 34 d i 34 e koji glase:

„34a

Interventna mjera- ulaganje u izgradnju, proširenje i rekonstrukciju
građevinskih objekata u stočarstvu

- (1) Zbog pojave koronavirusa uvrštava se privremena interventna mjera u 2020. godini za uzgajivače stoke-klijente, koji zbog nemogućnosti prodaje stočarskih proizvoda imaju probleme u poslovanju, a zbog povećanja broja životinja imaju problem sa smještajem tih životinja.

- (2) Pravo na podršku za ulaganje u izgradnju, proširenje i rekonstrukciju građevinskih objekata u stočarstvu ima klijent – uzgajivač stoke (pravno lice ili obrt) koji je izgradio, proširio i rekonstruisao objekte za smještaj i hranjenje stoke i ispunjava sljedeće posebne uslove:
- a) upisan u RPG/RK, u ovom Ministarstvu evidentiran u postupcima ostvarenja federalne novčane podrške po modelu poticaja proizvodnji kao i klijent koji od kantonalnog Ministarstva ima rješenje da objekat udovoljava propisanim veterinarsko-zdravstvenim uslovima.
 - b) na području Hercegovačko – neretvanskog kantona ima registrovan obrt ili je pravno lice registrirano za tu vrstu djelatnosti.
 - c) ima Projekt o ulaganju u izgradnju, proširenje i rekonstrukciju građevinskih objekata u stočarstvu, koji se nalaze na poljoprivrednom gazdinstvu klijenta na području HNK.
 - d) uvažavat će se računi za prihvatljive troškove (troškovi nabavke materijala i troškovi rada) izdani od 01.01.2020. godine kao dokaz za ulaganje u izgradnju, proširenje, rekonstrukciju i opremanje građevinskih objekata u stočarstvu iz Projekta.
- (3) Za ostvarenje prava na novčanu podršku klijent iz stava (2) ovog člana najkasnije do 01.10.2020. godine, dostavlja Ministarstvu u originalu ili ovjerenoj kopiji sljedeću dokumentaciju:
- a) popunjen obrazac zahtjeva za kantonalnu novčanu podršku,
 - b) dokaz nadležne institucije o obilježenim životinjama – za osnovno stado i njihovo potomstvo (ovce, koze, krave, junice, krmače), a za uzgajivače koka nosilica kontrolni veterinarski ili evidencijski broj.
 - c) potvrdu o provedenim obaveznim mjerama koju izdaje nadležna veterinarska stanica u 2020. godini (dostavlja se neovjerena kopija).
 - d) izjavu klijenta kojom pod punom moralnom i materijalnom odgovornošću izjavljuje da potomstvo iz osnovnog stada nije uspio prodati te da ih je zadržao za daljnji uzgoj.
 - e) projekt o ulaganju u izgradnju, proširenje i rekonstrukciju građevinskih objekata u stočarstvu, ovjeren i potpisan od lica registriranog za izradu projekata.
- (4) Za klijente za čije se zahtjeve provjerom dokumentacije i obradom utvrdi da su blagovremeni, potpuni, osnovani i podneseni od ovlaštenog lica, sačinjava se obračun novčane podrške na obračunskim tabelama u skladu sa Programom i Uputstvom.
- (5) Nakon završetka radova iz Projekta, klijent je dužan za odobreni iznos novčane podrške dostaviti račune za prihvatljive troškove (troškovi nabavke materijala i troškovi rada) kao dokaz za ulaganje u izgradnju, proširenje i rekonstrukciju građevinskih objekata u stočarstvu. Uvažavat će se računi izdani od 01.01.2020. godine do predaje zahtjeva. Klijent je dužan dostaviti u kantonalno Ministarstvo Izvještaj o provedenim aktivnostima, ostvarenim efektima i utrošenim sredstvima.
- (6) Klijent je dužan dobivena novčana sredstva za podršku namjenski koristiti. Klijent kojem su dodijeljena sredstva podliježe nadzoru kantonalnog poljoprivrednog inspektora.
- (7) Ukoliko klijent ne dostavi izvještaj o provedenim aktivnostima, ostvarenim efektima i utrošenim sredstvima, validne račune za prihvatljive troškove (troškovi nabavke materijala i troškovi rada), te ako klijent nenamjenski utroši dodijeljena sredstva, poljoprivredni inspektor donosi rješenje kojim klijentu naređuje povrat iznosa isplaćenih sredstava podrške u Budžet Hercegovačko-neretvanskog kantona.
- (8) Visina novčane podrške klijentu za interventnu mjeru razmjerno će se smanjiti ako ukupni zahtjevi za podršku prelaze raspoloživa interventna sredstva.